

沈乃文 主編

明別集叢刊 第五輯

第六十九冊

黃山書社



國家出版基金項目
NATIONAL PUBLICATION FOUNDATION


『十二·五』國家重點圖書出版規劃項目
2011—2020年國家古籍整理出版規劃重點項目

沈乃文 主編

明別集叢刊 第五輯

第六十九冊

黃山書社



(明) 蔣之翹 撰

蔣石林先生遺詩二卷

清光緒二十二年刻本

石林遺集

後學沈景修署檢



光緒丙申仲
夏之月開鐙

夫王郎抑塞拔劍爲斫地之歌屈子牢愁香草寫離騷之怨古人遭際不偶身世無聊往往託諸謳吟鳴其佗際禾油麥秀悲故國之邱墟地棘天荆灑遺民之涕淚讀石林蔣先生詩集其音哀其志苦已先生家住聞湖門開蔣徑墻東避世研北耽吟問田游巖平生烟霞成痼訪張仲蔚所處蓬蒿没人伯道無兒食其落魄身丁明季誓守幽貞故其爲詩也不侈鐘呂之聲遠絕烟火之氣涼風天末騷屑懷人冷月波心荒寒盪夢寄幽思於薜蘿發清響於菰蘆食武昌之魚愁縈鄉夢汲中冷之水味辨江心名記琳宮仿洛陽伽藍之記蹟懷梓里

蔣石林先生遺詩

序

一

繼吳興掌故之編王建宮詞語多悱惻胡曾詠史義取箴規與士衡爲摯交郵筒不絕引伯陽爲知己夢轂常通句作聲牙時類山谷空盤硬語或似昌黎惟是經亂之餘等身著作慘付劫灰片羽吉光護留神物僅得四卷祇窺豹之一斑非食雞之全臠矣里人李君子遠瞻念榆枌留心文獻焯掌自勵過眼不忘手輯聞湖詩三鈔竹里詩萃卒業蒐訪先生遺集以付手民晨鈔暝寫幾失左邱之明孤詣苦心猶炳師曠之燭汗青有願頭白忘劬享眞如做帚之珍興不爲催租所敗可謂文人結習銘同金石而弗諼詞客有靈夢見衣冠而下拜者

已僕身苦病梨心成廢井倚樓愧趙焚硯思崔冀免誚夫吟癡甯自甘於啞樂惟念與君笙磬同音芥鍼合孔董允實切磋至友裴炎爲耐久良朋道契風騷緣深香火屬爲嚶引敢附卮言登匠石門不遺曲木操巴人技妄議陽春庶幾鴻爪長留慰耆舊九幽之憾雞林爭購永江河萬古之傳光緒二十一年歲乙未仲冬月里後學沈景脩謹序

蔣石林先生遺詩

序

二

光緒二十一年冬刻蔣先生詩成而道悠序之道悠爲同里後學距先生沒已二百一二十年奚敢序先生詩蓋先生生明季壯遊三湘七澤間以詩名時鼎革後息影著書裏所自作詩日甲申前後集身後無子其藁散佚當時如朱竹垞顧茂倫沈南疑素所結契者皆爲之太息不置嘉慶五年孟賦魚明經於故家殘本錄七十首入聞湖詩初鈔道光朝計二田光祿丈多方搜訪復鈔數十首最後得顧樊桐明經選本一冊彙成八卷屢欲付雕卒不果咸豐十年寇至二田齋藏書二萬餘卷散如風掃丈之子遂生明經挾之鄉僻間數經奔竄僅

蔣石林先生遺詩

序

一

存十九頁光緒初年遂生子仲夔茂才舉以畀道悠泥污踐踏零落不堪爲弄於篋又將二十年矣因念計丈三世俱作古人道悠亦頽然衰苴顧茲一鱗片甲蒼萃之尙能成帙商於沈君蒙叔沈君亦久蓄此志而欲發者相與校讎去其重見先是雍正六年王賓麓上舍得先生懷古雜詠諸什原韻和之其後人并刊傳世又天啟宮詞單行本合爲四卷王詩附焉曰蔣石林先生遺詩仍計丈舊也嘉興府志載甲申前後集爲先生輯錄明人之文之書殆未顧名思義耳嗟乎先生著作一厄於無後再厄於兵燹至自哀集名爲人所誤若此地下

能無遺憾歟今雖存什伯之一猶此見里中諸前輩之苦心而往時風雅之盛未必非先生之有聞必先也是則飲水思源道悠與沈君詎敢再任其湮沒而無以昭示來茲耶於是綜述二百餘年中之絕續於右非敢序先生詩也李道悠書於當湖之求有益齋時年政七十

蔣石林先生遺詩

序

二

蔣石林先生遺詩目錄

卷一 古近體詩六十四首 附詩四首

卷二 五七言絕句一百九首

卷三 五七言絕句七十首 附詩七十首

卷四 七言絕句一百三十六首

按第四卷即天啟宮詞一名永和宮詞有單行本亦刊入學海類編中俟得借鈔即行補刻今姑闕如

蔣石林先生遺詩

目錄

一

詩話

朱竹垞曰蔣楚輝居射裏城詳對楚辭晉書韓柳文集鏤版以行又輯樵李詩乘四十卷搜錄鄉黨先正詩無遺兼能備舉軼事使聽者忘倦晚年無子書籍散佚詩乘亦亡可歎也

又曰己亥十月訪蔣布衣之翹於射裏城蔣語予曰子知王店之所由名乎洪武中孝廉鋪及弟鈞之所居也因出其所輯樵李詩乘則二王詩俱在焉并出二王合刊詩稟舊本共一冊鐙下讀未竟客至轟飲而罷甲辰四月再過之不值又數年而蔣逝無子遺書盡失可歎也

蔣石林先生遺詩

詩話

一

顧茂倫曰石林詩上追顏謝下擬開元雖深沈之詞不無剗刻警鉤之體未盡諧聲益以見石林不隨俗尙其獨往獨來者歟惜老成殂謝其全集無從蒐討不勝人琴之感云

沈南疑樵李詩繫曰石林初隱於市廛廣積書卷嘗集有明禾中先正詩爲詩乘採摭甚博予頗得其助云

蔣石林先生遺詩卷一

秀水蔣之翹楚瑋著

里後學

李道悠子遠

編輯

沈景修蒙叔

砂壺詩八章爲陶原眉孝廉賦

範乎而陶乎而吾以斟酌乎而 人醉我醒人甘我苦

宜寒宜暑是曰壺父 澄之不清撓之不濁注之不盈

酌之不涸 非玉非石如金如錫不可以挹酒漿迺涓

涓不塞 堅者質虛者德能濡人以澤維君子之則也

思有遷德幾微是防勿汙勿窳厥馨孔彰 色其細

而馨其馥而幽對是宜食肉者鄙而 水火相戰風濤

蔣石林先生遺詩

卷一

一

乍激一與君晤聲聞俱寂

車遙遙四章爲陸鈿賦

車遙遙在河之滸之子于征誰與我晤處 車遙遙載

秣載脂時我餽糧孤飛題題羈疾易念維輪之私輪之

極矣如予之思矣 車遙遙望旣沒兮風旣發兮日之

夕兮 飛塵塞天山川逶迤陸畏猛虎水畏蛟螭尙慎

所往企而企而

附陸韋公詩四首

社集梅花草堂

風景媚初年晴空日皎皎苔痕破微綠虛檐下鳴鳥

窮居愜心魂詩句寄懷抱清譙集諸彥淵玄轉相討

酒酣興自多抵掌共傾倒誰復計去留坐待梅花曉

自勵

採玉宜入山採珠宜入水貞淫豈無分好醜難爲比

丈夫生世間出處各有軌竹帛望旣虛韋布甘終始

夙有煙霞姿可輕落塵市託足一失所蠅玷何當已

不然古巢父曷爲洗其耳飢寒骨自香孤高屬貧士

月下登燕子磯

江晚登臨燕子磯月明天際浩煙微草深沙磧蟲吟

亂帆捲蘆洲客過稀六代偏安悲逝水千秋王氣壯

蔣石林先生遺詩

卷一

二

南畿風流不改吾曹在嘯據胡牀漫拂衣

讀騷

讀罷離騷眼欲枯老魚吞怨楚魂孤賈生過弔空橫

涕幾見宗臣去舊都

隰田勻勻防微也

隰田勻勻有磽齒齒禾遂惟漑下澤靡咫 我漑我稼

自天之厚浸竭尙可畏此稂莠 亦驕亦桀農心孔皇

旦夕弗治大田其亡

颶風紀事也

明明上天浮雲黝之白埃淩承颶風是吹何木不折何

草不萎雷之磕兮我心傷悲 匪雷自天號號夢夢苓
巒堙谷南山其童有水西流魴鰈惟從有人罔極瑣瑣
惟同 陽陽食餽發閔宗周載瞻載顧曷云能遭臨矣
上帝伊誰之說瑰鞠難處聊以宵遊

白雲紫芝美隱也

萋萋白雲萋萋紫芝于邱于壑縱心勿疑低頭躬耕
然鬚眉窮則農父用之帝師 雲兮我衣芝兮我飢載
歌載鋤事與志違詎曰予畏畏非其時黃虞沒兮涕霑
漣而

對酒作三首

蔣石林先生遺詩 卷一

三

涼飈掠廣野濡露被林麓無端恣鳴蜩一葉下高木攬
衣步前除蕭蘭氣同肅感激焉能排有酒喜初熟呼尊
聊飲之宴衍醉心曲滔滔東逝波渺渺浮雲族曾無豪
聖留勤劬白日速颯矣雍門琴痛飲苦未足
鳳鳥出丹穴獲落三十霜不如燕雀處華堂文雕梁飢
無琅玕食渴無沆瀣漿那復惡溝鳴餘腐嚇我旁有懷
三珠樹言歸道路長不遭洪濛子勁翮徒翱翔

對此一尊酒廓然天地空暢茲千秋意容與醉夢中何
事忽耳熱吐氣成霓虹遺言笑鄭老晦躅遵阮公物性
苟適所得失將毋同卒歲謀衣褐室人意忡忡曷觀屈

賈流不飲身亦窮

春日同凌茗柯黃贊伯泛舟石湖時閩友安國謨
餞凌北上坐有歌兒白氏

山水夕更殊溪木陰霏滿清景娛人心負綠棹投緩舟
居如屋裏尊卑適所伴劇望原隰殷一氣浮紅斷返照
動漁箸汀花粲奚歎深情通冥悟顧誤失歌管孽杜遞
相遺微言縷雕纂落霞半歸水容與煙波煖客意不在
酒慮孤主人衍稍次恬沙明月出孤帆短詎曰文字飲
俟睡敢辭嬾捐形接一真異趣鮮崖窾豫章足世用愧
我獨樗散明發事遠征離心勞瘡瘡

蔣石林先生遺詩 卷一

四

登南嶽

衡山奠南極萬古排鴻濛平分嵩華色眇然青冥通奔
流圻御道疊樹搏陰風嵯峨表三楚始知大化鍾登高
振金策一禮祝融峰游仙青玉壇笙鶴相玲瓏放跡混
倒影飛心駕輕鴻日出洞庭晚雲起蒼梧空峒嶠有遺
銘物穆煙霞封矯首叩伯禹如何闕神功長歌屬黃綺
豹隱資元同

杪秋登南樓述懷寄舊遊諸子

忽忽歲方晏遞緒當廩秋嚴霜挫羣卉悲風掠寒流浮
雲藹蒼涼日煦天爲愁鵲鳩一以鳴中心拘靡瘳登高

從所思榛荆障前邱聚散固匪常明晦理乃周感往成
唏露撫今若浮漚交道日墜地孰爲心相求延伫罷觴
詠緘言申離憂

寄懷茅孝若先輩

子雲埃百世虞翻感一言魂夢自有屬久要固足敦四
序遞推斥螻蟻驚後園落日增悲思甯獨秋氣尊馮高
望洪川平陸煙霧繁嗒焉喪其耦思慕詎云緩况子抱
昭質坎壈離世樊軌路失泥塗頽颺激虛轅退脩風雅
業吾道諒有存流盼顧我好砂礫光瑱璠把臂獨喟歎
謂導正始源蒼霞駁霜翠紫海迴漪翻代興辱謬厠羽

蔣石林先生遺詩

卷一

五

弱難從騫黽勉古作者時俗無效喧甯逢親戚恕敢負
國士恩安能撰良會逍遙共討論

五人之墓

亭亭山上栢託根化爲石頽景掠流焱危柯欵摧及女
鬼讖妖端羣倫寢夷敦驅臬自南來斂鳳鍛威翮斯人
良獨歎叩閣計無益肉食黽阿從草野憤所切一手撲
殺之聊以褫奸魄論市良慨慷歆血破空碧遺塚何纍
纍石蹠闕阡陌蔓草延綠滋羣鶴弔林夕凜然生魂聚
眉髮猶奕奕白骨蒼苔中時有煙霧積我征屢瞻睇弭
節撫今昔陟懷輒里屠浮美燕市客雨汝敦古歡捐軀

曷云惜繫惟託深衷非職謀乃國秉性得所甘高風頑
懦激怛怛糜肝腸悲吟淚填臆

我何爲行

北風摧雲泣湖水元潭夜寒蟄龍子石路犖确行人停
扁舟隨雁泊前沚黃蘆白蓼引人愁噉噉寃難訴枯枳
掀篷睨眺不自聊野火雜襲緣岡起爲是鬼作燒微茫
胡然明滅如螢狂依稀碧血千秋影壯士無顏坏土光
專林老狐恣譏詢鬼妾鬼馬相扶將崩縲屬人空耿耿
我何爲者咨嗟長

酬劍行

蔣石林先生遺詩

卷一

六

胡爲乎飲酣夜永拔劍酬以酒一卮神光若吸鐔淋漓
我氣如虹肝如雪甯有愁心汝弗知天風揚蓬海水立
白日匿曜寒雲闕忽復盛之淚滿臆聞闔九門不可陟
踽踽被褐向南北我馬蝟毛人菜色自信頭顱可擲人
墜地猶有千鈞力嗚呼此事復何憶漸離已死荆卿屠
燕市有酒誰人沽秋風易水傳相呼且復酬汝掀我鬚
論事慎勿泥成敗玉龍提攜良吾徒

高士湖歌

湖在鹽官澈市原名永安正德間許黃門相卿
以太白山人孫一元遊此故易今名

春風日喚湖草愁湖水一碧凝不流平隄蘊岸夾明鏡
尊酒來尋汗漫遊有懷汗漫成遺跡爲得山人孫太白
坐中滄海酒杯開夜深瞑踏孤舟立高士之湖至今傳
詩魂愁寂存荒煙銀蟄玉恍狂叫賞佳士未許推前賢
長歌臻響蒲葦遠鳬鷗散亂驚飛去萍葉半開人影動
山樹都翻銀濤處晚翠沈寒下遠汀行行欲去還復停
野水吹作杯中物但願皆醉羞獨醒俄駭湘靈嘯轉盼
海若舞屏翳淵淵擊鼉鼓窈渺乍識神之靈目送風雷
隔晴雨幡然掉頭歸路長倒著接離扶夕陽出門乃知
天地廓樵山漁水堪相伴無端耳熱不自識嗚嗚獨倚

蔣石林先生遺詩

卷一

七

天蒼茫

對酒三首

我有一斗酒不足澆我愁我酒有醒時我愁何日休君
不見南山松柏根如石歷試冰霜若爲惜純鉤湛虛希
世珍終古沈淪土花蝕吁嗟嗟莫扣缶且長謳英雄生
不逢坎壈七尺昂藏亦可羞
秋雨淫淫水滿濠初漲未平難容舸閉門長醉同浩嘯
天生我已終蓬蒿黃金忽散盡傲骨徒爾爲罵坐不問
候與貴喜無恩報鄉里兒田先生高漸離千秋節概不
可得日暮悠悠我所思

利刃毋令樵者匿寶鏡莫使盲人得盲人得鏡不鑑面
利刃屬樵薪是力咄嗟造物乃如此使我胡能不太息
縮項甕牖常畏人坦履駸馳偏還側夜深拊髀傾酒盃
淚眼泓泓歌七哀

泛舟鴛湖中流遇風醉爲長句

雙湖千頃何潏沔夾岸秋林恣森爽白晝明昏氣不齊
時見汀滢鏡流晃泛舟載酒入鏡中晚雲如堵天濛濛
振柁中流坐長嘯無端浪拔巴陵空長年篙師面如土
主客共賦乖龍舞欸忽變化神鬼馳咫尺靜掃風浪移
頗黎影空蔚藍皺大傾銅斗復何辭小伶啁啾管絃發

蔣石林先生遺詩

卷一

八

此歌彼和響超忽潦倒張皇頃刻間醉翁不葬江魚腹
矜秋芰荷生晚香殷勤柳色動繁霜趁酒送日不知暮
但言宛在水中央由來天地虛舟似覆雨翻雲徒爾爾
懷間明月豈照夜一竿一笠興方駛君不見人生歡會
甯有窮扣舷目送滄洲鴻

早秋題塘東初置村屋

蘅臯宜獨卧森爽門虛闌生事羞詩帙雄心落釣竿牆
危憑蔓絡架偃植花殘莫謾傷遲暮風吹尙未寒

黃鶴樓別樊明卿使君

遠道亦何計登臨此日情嶢嶢懸閣影風雨失江聲劇

飲還愁醒勞歌獨壯行夢思明發後歷歷武昌城

吾拙

候逼寒初至循風欲授衣虛櫺晚照薄叢菊背霜微
蝕悲吾拙乾坤老孰依崎嶇知滿眼不敢出巖扉

漁父

放浪同漁父長歌醉更豪積陰酬歲暮時事閱江濤
老興頻看劍孤懷獨注騷所思遊浩汗天地信輕舠

渡海抵通州

浮雲薄海色萬里一秋封自昔魯連子于今何地逢
檣帆全逝鳥襍被半眠龍指點孤城小相將問客踪

蔣石林先生遺詩

卷一

九

智標塔絕頂題壁

高標延百里層塔出秋巒拾級青雲直憑闌白晝寒鴻
濛爭一氣吞吐恣雙丸下視眞卑狹將從問羽翰

劍嘯臺詠

林靜秋光澹臺孤夕照空有懷時嘯詠已欲御冷風惆
悵一鉤在崢嶸雙髻窮莫須嗟落落老我桂花叢

黃海鶴先生歸閩取道見訪賦別

獨有窮交意相尋問草堂無書常憶舊移棹此還鄉月
送寒潮急山臨落照長晤言旋惜別秉燭醉相將

舟泊吳門晤潤山葉工部時以疏救黃石齋先生

廷杖被罪以獄中秋興詩見示

絺衣當落日驛路共維舟一見各通姓兩心終古愁呼
天甯畏死譴子獨何就寓興傳新詠空江五月秋

不負

不負飢寒色機門聊著書春風驚亂鳩世路泣枯魚痛
飲吾師在卑居親故疎由來諒如此匪我獨踟躕

晚泊飲周仲馭舟中

日落吳門道戢歌忽自投相期借秉燭一爲更移舟客
路愁侵夢雄心醉未酬卻憐多難日誰是覓封侯

無歸

蔣石林先生遺詩

卷一

十

有夢客千里無歸家十霜驚人猶漫興忤俗且疏狂歲
入愁中盡田經戰後荒尙餘杯酒在勸飲動蒼茫

泊舟

止棹知何地攜蓑復有村落花綠艇出關鴨近人翻未
乞田家火先邀野老樽百年知幾醉潦倒復誰論

毛公壇

不見毛公久仙踪尙此留臺平松影晝竈冷石香秋招
隱自堪賦采眞誰共遊低徊如有感一鶴起林幽

同陶原眉沈仲芳過東禪寺訪天水師二首

溪迴疑絕壑寺古遂幽情坡老留題在層軒翠竹深水

流香積戶雪擁貝多林予固栖栖者因來長道心
登臨興不淺結伴更悠然葉落僧歸處香生客坐前風
鈴千佛靜雨榻一燈燃莫負東林約猶堪話昔年

劍嘯臺秋興

地迴臨秋靜浮雲不敢生菊窺寒入圃蟲怯響依榮夢
破中原恨文深異代情行藏已如此撼撼暮條驚

畏客

秋風吹未極一雁暮南征有髮驚隨葉無家任泛萍匡
時多野議畏客只潛行卻羨鹿門隱長年自耦耕

放船同吳學博暨高周諸子

蔣石林先生遺詩

卷一

二

白舫青湖日復曛拋樽笑倚客途分帆檣得路故相引
鷗鷺驚人還自羣隔嶺暮鐘常帶雨連溪春樹不開雲
高歌一曲菰蒲綠豈是同來有鄂君

泊胥口

幾家村市夕陽遲信宿前汀泊更炊客子有懷歌禹甸
土人何慕走胥祠平湖波浪兼秋濶塞壑煙雲極暮移
弔古未須悲寂寞短簫長笛隔船吹

南內二首

秦金不壓鬱嶺岼銀榜天開紫極蟠周典職方京鎬重
漢宮規制未央看宗彝香裊虛晨集鳩鵲雲高鎖暮寒

尙想戎衣初革命一時王命此承歡

萬年宮樹迴蒼蒼網戶游絲空夕陽鳳閣自開青瑣闥
豹韃猶衛羽林郎金銀夜識三山麗禾黍秋殘六代荒
忽憶鬼門當日事蠻煙箐雨斷人腸

旅中寄樸庵家兄

浪說長遊亦索居故園相問更何如援琴已厭思歸操
傾篋誰憐痛哭書眼觸戈船橫驛路坐寒野角散樵漁
不堪臨楮中愁絕斷雁離鴻祇似予

秋懷三首

涼景初開淨野塘閒園日暮早聞螢水深龍卧江雲黑

蔣石林先生遺詩

卷一

三

風急雕盤塞草黃班女自工團扇賦楚臣空戀芰荷裳
怪逢搖落偏多病潦倒鄴筒兩鬢霜

胥江西下晚波長裊霧含颿一葉揚未遂扁舟依笠澤
可能叢菊問柴桑當空巖岫雲依樹隔水芙蓉粉墜房
極目最憐時事改娟娟去燕背人翔

木落吳山夕照邊離宮想像館娃年銅池鈿砌蒼苔冷
錦石繁花白露鮮歌舞莫存空豔質豪華一逝屬枯禪
西江煙水還如舊到此誰能不黯然

秋風

況復秋風落葉繁倚吟殘照近衡門菰蒲兩岸漁舸細

鴻雁一聲江水昏聞謗自甘從俗客著書已見走中原
藤花橘果足吾眼日日閒愁絆野樽

贈陸韋公遊淮西

乍逢旋別正初春冷落梅花解笑人千里江關謀食計
十年烽火醉吟身交當歧路尤堪重文到窮時更有神
勸盡離尊何所指黃雲落日盡酸辛

江漢

日落烏啼水磧昏頻年病肺擁柴門厨人餉夜茶瓜寂
鄰婦縫秋笑語繁江漢恐催華髮暮草茆徒擬諫書存
何堪夫子哀時命靄靄孤雲欲斷魂

蔣石林先生遺詩

卷一

一三

武昌城南樓眺望

武昌城傍漢江流縹渺飛蜚控九游楚蜀雲蟠封劍閣
沅湘日落見衡州卻憐芳草洲何處爲待乘仙鶴可求
歷歷檻前空指畫三分原重此襟喉

三閭廟

沙飛水廟接疎墩寂寞停舟弔楚魂路入夕陽通枉渚
雨深秋草沒東門煩冤莫釋天孤問異代相憐我獨存
欲爲臨風薦蘅杜隔林山鬼嘯聲繁

次陳眉公徵君新秋韻二首

清夜聊爲拊髀歌自來客思竟如何天空障塞時驅馬

砧動關山尚臥戈永歎浮雲當逝景有懷之子限明河
淒清遼水殘兵哭况復餘腥颺海波

灝氣冥冥動沈瀟懷人川上景瀟瀟塞鴻不負經長別
沙柳何辜拂短條秋溢露盤涼入掌天開霞嶼晚縈綃
昔年曾記錢塘口錦瑟芳樽對暮潮

陟縹渺峯絕頂

攀林踏磴動蕭森萬樹西風折旅心縈帶乍臨吳會水
晦明獨割具區陰奚奴擔笈窮靈磧老衲烹泉爲客斟
莽莽浮雲悲去住他年玉檢或能尋

游張公洞

蔣石林先生遺詩

卷一

十四

垂垂下天如有狀渺渺一線光旋收林屋黝深空積潦
花源紅繞動經秋僧閒指石工形似客好燃犀任冥搜
倘得青驢眠谷口玉漿應就此中求

坐河上酌

曲河河頭河水發烏柏樹上烏來啼買魚沽酒坐臨岸
落葉飛花閒杖藜物序驚心信晴晦風波轉眼極東西
持情獨在蒹葭際肯使前洲白露迷

陸宣公祠

唐相祠堂舊楷模蕭蕭梧竹接城隅蓋躬足與宋姚匹
譏口能無裴寶徒四壁雲雷餘氣盡中天日月傍檐孤